



UNIVERSITÄTS-
BIBLIOTHEK
PADERBORN

**Theses Theologicæ De Gratia, Libero Arbitrio,
Prædestinatione, &c. In Qvibus Doctrina Theologorum
Societatis Jesu contra Corn. Jansenii [Iansenii]
Augustinum Defenditur**

Derkennis, Ignatius

Antwerpiae, 1641

Art. VII. An orauerit Patrem pro solis electis, an etiam pro reprobis?

[urn:nbn:de:hbz:466:1-73715](https://nbn-resolving.org/urn:nbn:de:hbz:466:1-73715)

IDEM ad Hebræos 2. v. 9. in illud: Pro omnibus gustaret mortem. Pro omnibus, dupliciter intelligi potest, & c. vel absolute pro omnibus, quantum ad sufficientiam, & c. in cuius probationem, adfert locum Apostoli 1. ad Tim. 4. qui est Saluator omnium, maxime fidelium. & Chryl. omnes non credunt, ipse tamen quod suum est implevit.

SCOTVS in 3. dist. 29. q. vñca. Hanc approbat sententiam Leonis Papæ scim. de Natiuitate: Sicut à reatu nullum liberum reperit, sic liberandis omnibus venit.

IVDOCVS COCCIVS in Thesaurò Catholico lib. 2. art. 7. Quòd Christus non pro omnibus generaliter mortuus sit, adscribit Hæreticis.

FRANCISCVS FEVARDENTIVS Theomachia Caluinistica lib. 5. cap. 15. idem confirmat.

ACADEMIA LOVANIENSIS

Pro doctrina Societatis contra Iansenium.

RVARDVS TAPPERVS art. 6. Louan §. Iterum obiicitur. Est Christus quodam modo Saluator, & Redemptor omnium hominum; & alio quodam multorum tantum, & non omnium: qui modi, explicantur per efficaciam, & sufficientiam: in causa, & eum effectus: simpliciter, & sub conditione.

Antè insinuaerat pretium numeratum esse pro non electis; sub conditione paratum, & deputatum solutioni, sed non applicatum, defectu scilicet conditionis expleta ex parte eorum.

MALDERVS Episcop. Antwerp. 1. 2. q. 3. art. 3. dub. 5. memb. 3. §. Sanè. Opinio illa Caluinitarum, que negat pro omnibus & singulis hominibus Christum mortuum esse, toleranda non est.

IDEM in Antisynodico cap. 7. num. 3. sub finem; Beza eandem blasphemiam cum suis defendit, nempe Christum pro solis electis mortuum. Verendum, ne tandem cum Turcis homines isti dicant, pro nemine Christum esse mortuum.

IDEM infra num. 12. Vocat hunc errorem, verè grauem, & propriè Antichristianum.

CORNEL. IANSENIUS Episcopus Gaudens. Concord. Euang. cap. 30. Optabat quoddammodo omnium omnino salutem pro omnibus mortuus.

ARTICVLVS VII.

An Christus orarit Patrem pro solis electis,
an etiam pro reprobis.

IANSENIUS. THEOLOGI SOCIET.

I. VAnum est & stultum, (Christum) pro talibus (reprobis) saluandis serià voluntate pati ac mori. Vanum est, pro talibus à perditione decreta liberandis offerre Patri vota, preces, mortem, ac sanguinem suum. Mortis enim, ac sanguinis oblatio, est quoddam efficacissimum rogandi genus. Tom. 3. lib. 3. cap. 20. col. 389.

II. Ex quo factum est, vt non magis Patrem pro aterna liberatione ipsorum, quam pro diaboli deprecatus fuerit. To. 3. ibidem col. 390.

I. CChristus etiam pro reprobis, quorum peccata in cruce tulit, Patrem rogauit, quamquam isti, non item vt electi, orationis huius, sicut nec mortis, beneficium perceperint.

II. Mors Christi efficacissimum fuit rogandi genus; qui ergo pro omnibus mortuus, pro omnibus orauit.

S C R I P T V R Æ

Pro doctrina Societatis contra Iansenium.

ISAIÆ 53. v. 6. & 12. Posuit in eo Dominus iniquitatem omnium nostrum. Et ipse peccata multorum tulit, & pro transgressoribus rogauit.

LUCÆ 23. v. 34. Pater dimitte illis, quia nesciunt, quid faciunt.

Crucifixores autem Christi electi omnes non fuerunt.

IOAN. 17. v. 20. Non pro eis (discipulis) rogo tantum; sed & pro eis, qui credituri sunt, per verbum eorum, in me.

Plures autem Euangelij prædicationi crediderunt, quam saluati fuerint.

2. COR. 5. v. 19. Deus erat in Christo mundum reconcilians sibi.

1. IOAN. 2. v. 1. & 2. Aduocatum habemus apud Patrem IESUM Christum iustum, & ipse est propitiatio pro peccatis nostris: non pro nostris autem tantum; sed etiam pro totius mundi.

Si propitiatio est pro omnibus moriendo; certe & aduocatus est pro omnibus orando.

SS. P A T R E S

Pro doctrina Societatis contra Iansenium.

CYPRIANVS *serm. de Passione Domini, vltra medium:* Mediator inter nos, & Patrem oras pro his, qui ad dolorem vulnere tuorum opprobria addiderunt, & pro inimicis impetras veniam, supplicas, & obsecras, vt hæc eis iniquitas dimittatur, & à morte tua habeantur innoxij ipsi, qui sanguinem tuum super se, & super filios suos manere precantur, vsque adeò excæcati, vt scelus suum non intelligant, nec odium Christi ipsa mors crucifixi extinguat.

AMBROSIVS *Tomo 1. lib. de Institutione Virginitatis cap. 11.* Pro omnibus aduocatus noster est apud Patrem, & infirmitates nostras suscepit, & pro nobis dolet, & infirmatur.

HIERONYMVS in illud Isaia 27. v. 9. *Idcirco super hoc dimittetur iniquitas domui Iacob:* Causas reddit, cur, postquam Iudæi in Dominum miserunt manus, veniam consequantur, si voluerint agere penitentiam, vt compleatur Saluatoris oratio: Pater ignosce illis, quod enim faciunt, nesciunt. Propterea, inquit, Dimittetur iniquitas domui Iacob, & c. vt mereatur benedictionem Dei, qui sibi maledictionem fuerat imprecatus dicens: Sanguis eius super nos, & super filios nostros.

LEO PAPA *serm. 1. de Pass. sub finem:* Mors Christi nos liberat; vos (Iudeos) accusat, & c. & tamen tanta est bonitas nostri redemptoris, vt etiam possitis consequi veniam, si Christum Dei filium confitendo, illam parricidalem malitiam relinquatis: non enim Dominus in cruce frustra orauit dicens: *Pater dimitte illis, quia nesciunt quid faciunt.* Quod remedium nec te Iuda transiret, si ad eam penitentiam confugisses, quæ te reuocaret ad Christum, non quæ infligaret ad laqueum.

IDEM *serm. 4. de Pass. in initio:* Principes Sacerdotum, quibus indulgentiam Saluator petebat, supplicium crucis irrisionum aculeis exasperabant.

THEOPHYLACTVS in illud Lucæ 23. *Pater dimitte illis:* Vtique dimissum fuisset eis peccatum, nisi deinceps in incredulitate mansissent.

MALDERVS in *Antisynodicis cap. 7. v. 13.* Pulchrè idipsum ex Scripturis probat, & post eas allatas addit: Hinc ergo intelligimus, omnium hominem mediatorem pro omnibus, adeoque pro toto mundo orasse, & mortuum esse: Oratione enim sua & mortis propitiatione omnibus impetrauit filios Dei fieri, & c.